



Aina Isdal Haugland
Isdal 77
5916 Isdalstø

Sakshandsamar, innvalstelefon
Karen Elin Bakke, 5557 2126

Alver kommune - kommunedelplan for Knarvik – Alversund med Alverstraumen - ID 1263 201701 - klage over avvisingsvedtak

Vi viser til din klage av 17.12.2019, og oversending av klagesaka hit den 01.07.2020.

Vedtak

Fylkesmannen i Vestland stadfester Alver kommune sitt avvisingsvedtak av 06.02.2020.

Sakens bakgrunn

Vi føreset at partane er kjende med den tidlegare handsaminga av saka, samt med saksdokumenta. Fullstendig saksreferat vert difor ikkje gjeve. Vi vil likevel kort nemne følgjande frå den tidlegare handsaminga av saka:

Kommunestyret i Alver kommune vedtok den 15.10.2019, sak 069/19, kommunedelplan for Knarvik-Alversund med Alverstraumen.

Du har klaga på vedtaket i brev av 17.12.2019. Klagen er opplyst å vere levert på vegne av Isdal felles gnr. 185 bnr. 1-7. Du meiner at du har partsstatus i saka om kommunedelplan for Knarvik - Alversund med Alverstraumen, og at ein partsstatus gjev klagerett på kommunestyret sitt vedtak. Dette er mellom anna grunngjeve med at kommunen gjennom føresegnene til planen har opna for oreigning direkte etter kommunedelplanen, samt storleiken og verdiane av eigedomar som er omfatta av planen.

Alver kommune avviste klagen den 06.02.2020.

Du har klaga på avvisingsvedtaket ved brev av 09.02.2020 til Fylkesmannen i Vestland. Vi sendte klagen den 17.02.2020 til Alver kommune for handsaming.

Alver kommune har i brev dagsett 18.03.2020, motteke av oss den 01.07.2020, gjennomgått klagen. Kommunen har ikkje funne grunn til å endre vedtaket sitt i saka.



Rettsreglar

Fylkesmannen er delegert mynde til å avgjere klager som gjeld enkeltvedtak etter plan- og bygningslova (pbl.), sjå § 1-9 femte ledd og rundskriv T-2/09 frå Kommunal- og moderniseringsdepartementet.

Vi skal som klageinstans sjå til at kommunen under handsaminga av saka har følgd lovene, forskriftene og sakshandsamingsreglane som gjeld på området. Vi kan etter forvaltningslova (fvl.) § 34 stadfeste, gjere om eller oppheve vedtaket til kommunen. Vi kan gå utanom klagegrunnane, og ta omsyn til nye omstende. Fylkesmannen kan under klagehandsaminga prøve alle sider ved vedtaket, også dei skjønsmessige vurderingane. Ved prøving av det kommunale skjønnnet skal Fylkesmannen legge stor vekt på omsynet til det lokale sjølvstyret.

Det følgjer av fvl. § 33 andre ledd siste punktum at dersom vilkåra for å handsame klagen ikkje ligg føre, skal underinstansen avvise saka.

Det følgjer vidare av pbl. § 11-15 at kommunestyret sitt vedtak om godkjenning av kommuneplan ikkje kan klagast på.

Fylkesmannen ser saka slik

Ordlyden i pbl. § 11-15 er klår. Vedtaket om godkjenning av kommuneplan kan ikkje klagast på. Her skil kommuneplanen sin arealdel seg frå reguleringsplanar.

Lova gjev heller ikkje unntak frå utgangspunktet om at vedtak om kommuneplanar ikkje kan klagast på.

Forarbeida til lova er også eintydige når det gjeld klagerett, likeins juridisk teori, sjå O.J Pedersen m. fleire « *Plan- og bygningsrett, 3. utgåve, Del 1 Planlegging og ekspropriasjon side 228.*» Her er tilhøvet til klagerett utdjupa, sitat:

«Det følger uttrykkelig av pbl. § 11-15 tredje ledd at vedtak om kommuneplanens arealdel ikke kan påklages. Utgangspunktet ifølge fvl. § 28 er at enkeltvedtak kan påklages til høyere forvaltningsmyndighet. For den enkelte eier vil en arealdelsplan kunne få samme virkning som en reguleringsplan og derfor være et enkeltvedtak. I utgangspunktet skulle derfor arealplanvedtaket kunne påklages av berørte med rettslig klageinteresse. Men fordi arealplanen omfatter hele kommunen, ble det ikke ansett praktisk mulig å håndtere en klageordning- se Ot. prp. nr. 56 (1984-85) s. 116. Det fulgte således av pbl-1985 § 20-5 niende ledd etter lovendringen i 1993 at kommunestyrets vedtak om å egengodkjenne arealdelsplan ikke kunne påklages – se Ot.prp.nr. 59 (1992-93) s. 86. Ordningen er altså videreført i gjeldende lov.»

Vi ser at vedtakinga av kommunedelplanen kan få konsekvensar for deg. Dei ulike rettskjeldene som vi har vist til er likevel klåre; - det kan ikkje klagast på kommuneplanar. Dei same omsyna gjer seg gjeldande ved vedtaking av kommunedelplanar, sjølv om dei dekkjer ein mindre del av kommunen.

Når vilkåra for å handsame klagen ikkje ligg føre, skal kommunen avvise han slik kommunen har gjort i vedtaket av 06.02.2020, jf.33 andre ledd siste punktum.

Fylkesmannen stadfestar etter dette Alver kommune sitt avvissingsvedtak av 06.02.2020. Klagen har ikkje ført fram.



Fylkesmannen sitt vedtak, jf. side ein, er endeleg og kan ikkje klagast på vidare, jf. fvl. § 28 tredje ledd.

Med helsing

Anne Kjersti Sande
fungerande seksjonsleiar

Karen Elin Bakke
seniorrådgjevar

Dokumentet er elektronisk godkjent

Kopi til:
ALVER KOMMUNE Postboks 4 5906 FREKHAUG